



"Šta misliš o Ebu Bekre, o dvojici sa kojima je Allah treći."

Ebu Bekr, radijallahu 'anhu, je rekao: "Gledao sam u noge mušrika dok smo se sakrivali u pećini, a oni hodali iznad naših glava, pa sam rekao: 'O Allahov Poslaniče, kada bi samo neko od njih pogledao ispod svojih nogu ugledao bi nas.', pa mi je rekao: 'Šta misliš o Ebu Bekre, o dvojici sa kojima je Allah treći.'"

[Vjerodostojan] [Muttefekun alejh]

Ovo se desilo kada je Poslanik, sallallahu 'alejhi ve sellem, činio hidžru iz Mekke u Medinu, jer nakon što je Poslanik, sallallahu 'alejhi ve sellem, počeo javno pozivati ljude Allahovu vjeru i kada su ga počeli slijediti, nevjernici u Mekki su se uplašili i svi zajedno su ustali protiv njih onemogućavajući im normalan život i čineći im nepravdu riječima i djelima. Pa je Allah Uzvišeni dozvolio Poslaniku da učini hidžru iz Mekke u Medinu, a sa njim nije bio niko od ashaba osim Ebu Bekr, radijallahu 'anhu, zatim vodič i jedan sluga. Kada su nevjernici čuli da je napustio Mekku, raspisali su nagradu od dvije stotine deva onome ko ga pronađe, a stotinu deva ko pronađe Ebu Bekra. Tako su ljudi počeli tražiti dvojicu ljudi po brdima, pećinama, dolinama i svim mjestima. Sve dok nisu došli do pećine u kojoj su se skrivali Poslanik, sallallahu 'alejhi ve sellem, i Ebu Bekr, a to je pećina Seur. U njoj su se skrivali tri noći, sve dok se potraga za njima nije smanjila. Tada je Ebu Bekr rekao: "O Allahov Poslaniče, kada bi samo neko od njih pogledao ispod svojih nogu ugledao bi nas." Na to mu je Poslanik, sallallahu 'alejhi ve sellem, rekao: "Šta misliš o Ebu Bekre, o dvojici sa kojima je Allah treći." A Allah Uzvišeni nas je u Svojoj plemenitoj Knjizi obavijestio da je uz to još i rekao: "Ne brini se, Allah je s nama!" (Et-Tewbe, 40.) Njegov govor: "Šta misliš o dvojici sa kojima je Allah treći", znači da li postoji neko ko nam može nanijeti štetu i slično tome?" Odgovor je: "Ne postoji", jer nema onog ko će uskratiti ono što Allah daje, niti onog ko će dati ono što Allah zabrani, niti postoji onaj ko će nekoga poniziti ako ga Allah uzvisi, niti postoji onaj ko će nekoga uzvisiti ako ga Allah ponizi. "Reci: 'O Allahu, koji svu vlast imaš, Ti vlast onome kome hoćeš daješ, a oduzimaš je od onoga od koga hoćeš; Ti onoga koga hoćeš uzvisuješ, a onoga koga hoćeš unizuješ; u Tvojim ruci je svako dobro - Ti, uistinu, sve možeš!'" (Alu Imran, 26.)

النجاة الخيرية
ALNAJAT CHARITY

